

Dama di anoche y su frei

Esta dushi e awacero aki. Net e tempo pa planta nos matanan di fruta y kita tur e mala yerba, y preveni nobonan cu ta bin. WEB al contrario ta yorando cu tur nos cuentanan di awa ta bahando den e tres lunanan aki. Hè, por fin un poco alivio.

Awe mi kier trece dilanti dos mata cu lo laga bo hardin luci.

E Dama di nochie, *Epiphyllum oxipeltatum*, cu ta floreciendo na Fantastic Gardens na cantidad awor aki, pero bo mester bin mainta tempran pa bo mire. Si solamente bo mira e flor di día sera ya caba bo ta namoré. E dama di nochi ta esun blanco pero tin un variedad grandi di e matanan aki. Últimamente durante un viahe na e bunita area di Llano Grande na Colombia mi a haya e cora, di locual nos ta cultivando matanan madre. Mi ta spera aki un aña nos tin un par pa bende.

E matanan aki ta cadushi, den e familia Cactaceae. Corda cu tin masha hopi mata cu ta parce cadushi pero no ta den e familia di Cadushi. E palabra *epiphyllum* kier men, traduci for di Griego: riba e blaachi, kier men e flor ta crece directamente riba e blaachi.

E matanan aki tur ta origina di Centro América, den e selvanan y nan ta crece riba otro mata of piedra, igualmente manera orquidea. Esaki ta bisami mesora cu nan mester un tera cu ta laga pasa awa bon, y toch keda húmedo. Pesey e mihor tera cu por pone pa nan ta Potgrond di alta calidad mescla cu perlite, e ultimo aki pa duna e tera dreñahe. Tambe por deduci na su moda di crece den naturalesa cu e ta gusta un pochi di colga. E mata aki tin cu madura bon p'e florece. Y lo dura por lo menos un of dos aña después

cu a peganan pa nan florece.

Na Fantastic Gardens ya nan a florece, ya cu nan a duna nos un tremendo show un par di día pasa, unda mas cu 40 a florece di un solo biaha. Di experiencia mi a nota cu nan ta gusta florece ora e temperatura baha na december.

Ta importante pa snoei nan después di tempo pasobra nan no ta florece mas na e mesun caminda. Un mata cu sigur bo mester den bo hardin pa e temponan aki. Otro mata en particular mi kier pone den luz ta e Horea di elefante cu ta un *Alocasia macrorrhiza*, originalmente di Indonesia y Asia.... E genero aki no ta hopi grandi pero si e ta bin di un familia grandi. Den e genero aki tin variedadnan pa adorno, aquatico, y tambe comestible. E famoso Tayer blad y Pom tayer entre otro ta un Colocasia un primo ruman. Na Hawaii e famoso Taro biña cu ta nan cuminda preferi ta un Colocasia. E matanan aki ta wordo cultiva den awa.

Un di e propiedadnan cu mi ta gusta di e Horea di elefante aki ta cu e ta duna un sabor tropical na bo hardin, mescos cu heliconia, orchidia, lisinbein, philodendron y palma, nan ta entre otro e símbolonan di e tropiconan.

E Horea di elefante ta un familia, si, bo a mire caba, di e Caladium, Anthurium y hopi otro mata den e gran familia di Araceae.

Bo por pone nan mei mei bo matanan, den un baki of pone nan den un potchi di klei of plastic cu su scotter, pa wanta un poco awa cu



semper e lo usa durante día.

Un cos cu mi a ripara di dje ta cu si bo bañe un biaha cada tres luna cu un spons cu M-Pede y awa ayooo plaga. Vitamina cu e ta gusta ta Nutricote, Osmocote y Jack's 20-10-20, manera Orquidea, y semper un potgrond manera Aruba Mix of metro Mix.

B'a bin Fantastic Gardens scohe bo mata di pasco caba? Nos tin varios color y prijs y calidad. Y corda cu si bo no tin transport pa mira Fantastic Gardens ainda lagami sa na tempo y nos lo manda un hende buscabo te na bo cas y hibabo bek.

Otro primicia nos tin ta e rifa bao nos clientenan pa México. Cu compra di Fls 100.00 of mas bo ta participa den e rifa pa bai cu nos grupo México pa dos siman. Gastonan di Hotel tours etc paga, riba dje ainda zakgeld di US\$1000.00. Tambe como cliente bo por cumpra ticket extra. Pa mas informacion jama Jenny, Anneliz of Saskia, of scirbimi na florececuroy@yahoo.com



"90 bisa mi":

**Dialuna te cu diabierna
10:00 a.m. - 11:00 a.m.**

www.canal90fm.com / [email:canal90fm@hotmail.com](mailto:canal90fm@hotmail.com)